

actionem, vel dispositionem in eo, cui datur, Itaque absolvitio sacramentalis, quia requirit contritionem, confessionem, et satisfactiōnem, non potest in invitum conferri; absolute ab excommunicatione, aliisque censuris, quia non pendet necessario nisi a voluntate Praelati, potest in invitum conferri. Porro indulgentia exigit in suscipiente primū, ut sit in statu gracie, deinde ut faciat quae prescribuntur in litteris indulgentiæ, visitet basilicas, oret, jejunet, eleemosynas faciat; quae omnia sic a libero arbitrio pendent, ut ab invito extorqueri non possint. Quare indulgentia, quamvis sit absolutio, non est mirum si in invitum conferri nequeat.

Quarta objectio. Absolutio requirit cognitionem cause; sed indulgentia sepe dantur in communī omnibus, qui hoc aut illud egerint, non cognitis causis eorum, quibus indulgentia tribuuntur: non igitur indulgentia judicialis absolutio dicenda est. Responso. Absolutio particularis, et absoluta, ut etiam condemnatio, quia feruntur secundum allegata, et probata, sine dubio requirunt particularem et accuratam cognitionem cause. At absolutio quedam generalis, et conditionata, non requirit cognitionem cause, nisi generativi. Prior absolutio dicitur sententia ab homine, posterior a iure. Atque indulgentia quidem, que dantur singulis penitentibus, qua apud veteres usitissimae erant, similes sunt priori absolutioni, et ideo tunc exigitur cognitione cause in particulari: ea vero, que dantur omnibus generativi, et cum conditione certi operis faciendo, ut militandi adversus Mahometanos pro recuperanda Hierosolyma, similes sunt posteriori absolutioni, et propterea satis est generative cognoscere justam causam adesse talis indulgentiae concedende.

Quinta objectio. Archiepiscopus ad totam provinciam indulgentiam suam extendere potest, ut habetur cap. Nostro, de penit. et remiss. At non sunt proprie subditi Archiepiscopo omnes provinciales, sed ii soli, qui ad ejus diocesim pertinent: igitur indulgentia non est absolutio propriæ dicta, quæ jurisdictionem exigit. Respondeo. Non sunt quidem omnes provinciales absolute subditi Archiepiscopo, sed sunt tamen omnes subditi in certis casibus, quorum uetus est indulgentia condonatio.

Postrema objectio. Si indulgentia esset judicialis absolutio, non posset Summus Pontifex ullius indulgentiae particeps esse.

cum se ipse judicialiter absolvere nequeat, nec se, vel alium superiorē habeat. Atqui id videtur absurdum, ut Summus Pontifex illis indulgentiis frui non possit, quæ sunt communes omnibus fidelibus. Quod idem argumentum fieri potest de Episcopis, quod attinet ad indulgentias, quæ ab illis toti populo conceduntur. Responsio. Non defuerunt qui negaverint, Summum Pontificem, aut Episcopos participes esse posse indulgentiarum, quæ ipsi ceteris in commune largiuntur. Certe Archidiaconus in cap. indulgentiæ, de penitent. et remiss. in 6. ita docet. Atque in eandem sententiam paucos alios citat Sylvester in Summa, verbo Indulgencia num. 21. Contra tamen sentiunt omnes alii, tum Theologi, ut S. Thomas, Durandus, Richardus et alii, in 4. dist. 20. et Sotus dist. 21. tum Juris Canonici interpretes, in cap. Nostro, de penit. et remiss. et in cap. Indulgencia, eodem in 6. Quibus accedit Navarrus in tract. de Jubilæo, notab. 20. num. 19. Quamvis autem haec sententia communis verissima sit, et omnino consenteant rationi, tamen argumentum contrarium non facile solvitur. Illi enim principia certissima sunt, neminem posse ligari, vel solvi, nisi a superiori; et neminem sui ipsius superiore esse: unde etiam fit, ut nemo se in sacramento Poenitentiae absolvere unquam sit ausus. Posset igitur fortasse dici Summum Pontificem et Episcopos erga alios viri absolutione, erga se vero solutione dumtaxat. Posset item dici, non posse quidem Pontificem immediate seipsum absolvere per indulgentiam, sed posse per alium id facere, cui ipse potestatem tribuat. Cur enim possit Confessario suo facultatem dare, ut se a peccatis absolvet, quod omnes admittunt, et non possit eidem potestatem facere, ut sibi indulgentiam conferat? Certe haec responsio probabilis vise est Cardinali Cajetano tract. 15. cap. 5. et ante eum Richardo in 4. dist. 20. art. 4. quest. 3. in solutione argumenti. Quamvis enim indulgentia non pertineat ad sacramentum Poenitentie, pertinet tamen ad forum interius, et penitentiale, in quo Summus Pontifex potest se alteri subjicere, qui in se ministerio clavium utatur. Potest etiam postremo et optimè dici, posse Pontificem indirecte participantem fieri indulgentiæ a se vel a predecessor, etiam si nolit ut opere Confessarii, sed solum ea præstare, que ab aliis exiguntur ad indulgentiam con-

sequendam, quoniam ut recte ait S. Thomas in 4. dist. 20. qu. 1. art. 3. qu. 4. ad ult. non potest quidem Pontifex se ipse directe absolvere, sed potest uti in rebus, quas ipse aliis ex jurisdictione concessit. Tales autem sunt indulgentiae, ad quas ipse percipiendas accedit, non ut Pastor, sed ut unus de grege, subiectus clavibus Ecclesiæ, ac per hoc indirekte, et per accidentem subiectus sibi. Addit Dominicus a Soto loco citato, hanc ipsum subjectionem indirectam non esse etiam coactivam, quoniam absolutio que datur in indulgentia, non est quasi sententia personalis ab homine lata, neque etiam quasi lata a iure, et coactiva, sed quasi lata a iure communi, et non continens actionem, sed remissionem cum conditione talis operis faciendi.

CAPUT VII.

A quo vinculo per indulgentias solvantur, vel absolvantur.

Cum demonstratum sit indulgentiam esse absolutionem cum annexa solutione, sequitur, ut explicemus, a quo vinculo nos indulgentia solvat, vel absolvat. Si enim constabit, que sit propria ratio, definitio ac natura indulgentiae. Sciendum igitur est, duplex esse vinculum, sive debitum, sive reatum peccati, alterum culpæ, alterum poenæ. Rursus autem reatum poenæ iterum esse duplum, alterum poenæ naturalis, quæ consequitur origine peccatum, qualis est morbus, mors, ignoratio, concupiscentia, et similes: alterum poenæ personalis, quæ consequitur peccatum actuali, qualis fuit pestis immissa in populum per peccatum Davidis. Rursus, reatum poenæ personalis, alterum pertinere ad forum externum, alterum ad internum. Rursus reatum poenæ debitu in foro interno, sive penitentiali, alterum esse poenæ injunctæ, alterum injungendæ. Denique reatum ejusdem poenæ sive injunctæ, sive injungendæ, vel esse debitum, ut satisfiat soli Ecclesiæ, vel ut satisfiat etiam Deo. His divisionibus expositis, propositiones more solito adjicienda sunt.

Prima propositio: « Per indulgentias non liberarum a poenæ naturalibus ». In hac omnes auctores convenient. Constat enim definitum esse a Deo, ut poenæ illæ naturales non tollantur, nisi cum natura ipsa mutabitur, id est, cum per resurrectionem mortale hoc induet immortalitatem, 1 Cor. xv. et cum adoptionem filiorum Dei perfectam consequemur, redemptionem videlicet corporis nostri. Rom. viii.

Terza propositio: « Nec poenæ, quæ in foro externo, et contentioso, sive ecclesiastico, sive seculari infliguntur, indulgentiæ tollere possunt ».

Docet hoc S. Thomas in 4. dist. 20. qu. 1. art. 5. quæstiuncula 2. nec dissentiunt alii scriptores. Si quidem poenæ fori externi propter bonum Reipublicæ infliguntur, ut facinoris deterreantur a peccatis, et probi homines securitate fruuntur. Præterea, indulgentia non conceduntur, nisi penitentiæ infusione gratia, et gratia non infundatur mi-

fori exteri infliguntur maxime pertinacibus, et rebellibus. Denique indulgentia, ut dictum est, locum obtinet satisfactionis penitentialis: quare non aliam penam tollunt, nisi quam debemus in foro secreto et penitentiali.

Quarta propositio: « indulgentiae liberant homines a reatu penae non solum coram Ecclesia, sed etiam coram Deo ». Hec propositio negabatur olim a nonnullis, quorum sententiam referunt, et refellunt Theologi veteres, S. Thomas in 4. dist. 20. q. 4. art. 3. et alii. Eadem hoc tempore negatur a Luthero, Calvinio, ceterisque sectariis, qui docent, indulgentiam apud veteres non fuisse aliud, nisi relaxationem multe, quam Ecclesia ipsa imperaverat, non ut per eam satisficeret Deo, sed exempli et disciplinae causa, ut omnes intelligerent, illum, qui ejusmodi penam habeat, vere recipuisse. Et quidem adversus Catholicos in hac re minus recte sentientes, probatur nostra propositio hi argumentis. Primo quoniam si solum deberet Ecclesia satisficeri, sive tolli praeceptum agendae penitentiae ab Ecclesia positum, non esset opus thesauro meritorum Christi et sanctorum. Secundo non esset utilis, sed noxia indulgentia, et Ecclesie filios suis in re maxime gravi decipere videretur, liberaret enim eos a pena hujus vita mitissima, et remitteret ad penam atrocissimam purgatorii. Tertio non possent concedi indulgentiae pro defunctis, quippe, qui non ligantur iam Ecclesie praeceptis, neque aut ipsi disciplina indigent, aut aliis exemplo esse possunt.

Quarto, multi fideles indulgentias percepti, confitentur sacerdotibus peccata, et satisfactionem injunctam expletant: interdum etiam Pontifices in litteris indulgentiarum prescribunt, ut sacerdotes injungant penitentias salutares illis, qui indulgentiam consequi desiderant; igitur et populi, qui suscipiunt indulgentias et Pontifices, qui eas tribunt, ejus sententia se esse testantur, ut indulgentiae potissimum prosint ad penam purgatorii expandant. Denique hoc significare videntur verba illa, de vera indulgentia, que addi solent cum indulgentiae in sacculo Pontificio promulgantur. Vera enim indulgentia dicitur, que reatum penam non solum coram Ecclesia, sed etiam coram Deo vere tollit.

(1) Mat. XVI, 19; Mat. XVIII, 18.

Jam vero aduersus haereticos non est cur multum laboremus in hac re comprobanda. Ipsi enim propterea negant indulgentias tolli reatum penam coram Deo, quoniam existimant, post remissionem culpa nullum superesse reatum penam coram Deo, nolleque opus esse vera satisfactione; et quia negare non possunt, apud veteres extare plurima testimonia penarum, quae penitentibus injungebantur, vel relaxabantur, ideo docent, eas penas infligi solitas exempli, et disciplinae causa. Ceterum haec omnia satis copiosi tractavimus in IV lib. de penit. ubi etiam omnia argumenta diluvimus, que a Luthero, Philippo, et Calvinio in medium allata fuerunt. Ne tamen hoc loco nihil omnino dixisse videamus, probare possumus indulgentias valere ad relaxandam penam etiam coram Deo, primo ex verbis Christi sepe citatis. Matth., XVI. *Quocunq[ue] solveris super terram, erit soluta et in celo.* Et Matth., XVIII. *Quocunq[ue] solveris super terram, erunt soluta et in celo* (1); quorsum enim additur, et in celo, si non solvitur vinculum nisi humum? Secundox Patribus, qui passim affirment, per injunctas vel sponte assumptas penas, satisficeri Deo. Tertulianus in lib. de penit. loquens de iis, qui dum agunt penitentiam redeunt ad peccata, ita inquit: « Qui per delictorum penitentiam instituerat Domino satisfacere, Diabolus per alias penitentiam penitentiam satisfaciat ». S. Cyprianus in serm. 5 de lapis: « Dominus, inquit, orans est, Dominus nostra satisfactione placandus ». S. Pacianus in Paracene ad penitentiam: « In quantum, inquit, penae vestre non pepercritis, in tantum vobis Deus parcat ». S. Augustinus homil. 50. ex libro quinquaginta homilia, cap. 11. « Veniat, inquit, ad Antistites, per quos illi in Ecclesia claves ministrantur, accipiet satisfactionem sue modum, et id agat, quod non solum illi pro sit ad recipientiam salutem, sed etiam ceteris ad exemplum ». Et cap. 13: « Non sufficit, inquit, mores in melius mutare, nisi etiam de iis, que facta sunt satisfiat Deo per penitentiae dolorem, per humiliatis gemitum, per contriti cordis sacrificium, cooperantibus elemosynis ». Petrus Damiani in serm. 2 de S. Andrea: « Ne tibi, inquit, blandiaris, si graviter peccanti levior penitentia a manuero, vel dissimilante dictatur, cum in

purgatoriis ignibus perficiendum sit, quicquid hic minus feceris ».

Ex his testimonis manifeste colligimus, per injunctas penitentias satisficeri Deo, ac per hoc indulgentias, que ab ejusmodi penitentias absolvunt, expiare penas temporalis reatum etiam coram Deo. Multa possent alia testimonia veterum adduci, sed non sunt omnia ubique repetenda. Tertio probatur ratione ducta a simili. Penitentia siquidem a sacerdotibus imposita, et ea que sponte assumuntur, sunt omnino similes; constant enim ex iisdem rebus, oratione velice, jejuniis, et elemosynis, et ad eundem finem tendunt, et aliae alias juvent, immo sacerdotes cum penitentiam intelligi volunt omnem omnino penitentiam, quoniam ut ipsi existimant, omnis penitentia peccati debita, injuncta dici potest, vel a sacerdote, vel a canone penitentiali, vel certe a Deo. Ita docuit quidam Thomas Elysius in Clypeo piorum Catholicorum qu. 44. art. 7. sed contra sentiunt plerique omnes viri docti, ut D. Thomas, Cajetanus tract. 15. cap. 7. Dominicus a Soto in 4. dist. 2. q. 2. art. 2. concl. 3. Martinus Ledesminus in 3. sent. par. 2. q. 27. art. 2. Navarrus in tract. de Jubilao, et Indulgentia, Notab. 11. num. 12. Antonius Cordubensis de Indulg. qu. 9. proposit. 3. Sylvester, verbo, Indulgentia, qu. 8. num. 12. et quest. 10. num. 11. Gabriel in Supplemento, lib. IV. sent. dist. 41. quest. 3. art. 2. propos. 10. ac preterea Petrus Paludanus, Adrianus, Petrus a Soto, et alii nominandi in sequenti propositione. Et certe res non videtur esse dubia. Nam penitentia non dicitur proprie injungi, nisi a sacerdote, qui in particulari obligat praecepto suo penitentem ad certa opera penitentia peragenda. Canones enim penitentiales exprimit quidem generatim, que penitentia quibus peccatis conveniat, sed quoniam non satis est ad justam penitentiam imponendam scire quid congruat peccato secundum se, nisi simul attendantur variae circumstantiae, maxime circa personam penitentis; ideo non potest a canone penitentiali penitentia absolute injungi; neque illus tenetur ad eam penitentiam subeundam, que notatur in canone penitentiali, nisi ab aliquo iudice injungatur. Par ratione Deus non dicitur proprie injungere penitentiam, sed exigere eam, que sequitur ex nature rei, ad peccati gravitatem. Accedit præterea, quod cum indulgentiae concessio secundum jura sit res odiosa, quippe que relaxat penitentie rigorem, ut recte docet et probat Navarrus in tract. de Jubilao notab. 9. num. 9. non de-

(4) Psalm. VI, 7.

bent extendi verba litterarum Pontificiarum ad penitentias injunctas largo modo, et impudice, sed restringi ad injunctas proprie, quales non sunt nisi ea, quae a sacerdotibus in sacramento Penitentie injunguntur. Quae enim deficiuntur in canonibus, vel exiguntur, non possunt dici injuncta, nisi largo modo, et impudice.

Sexta conclusio : « Cum non sit mentio injunctarum penitentiarum, sed absolute conceduntur indulgentiae, intelligendum est, condonari omnes penitentias, sive injunctae sint, sive injungi potuerint ». Haec propositio est adversus graves auctores. Alexandrum Alensem in summa Theologica par. 4. quest. 23. memb. 2. Durandum et Paludanum in 4. sentent. dist. 20. qu. 4. Adriannum VI. in 4. sentent. quest. de indulgentiis, §. Sed ex hoc petes ulterius, Petrum a Soto lect. 2. de indulgentiis prope fin. et Card. Cajetan. tract. 15. cap. 7. qui docent indulgentias numquam dari, nisi de injunctis. Sed tamen habemus nostre sententiae patronos alios auctores, nec pauciores, nec minus graves, sanctum Thomam in 4. dist. 20. quest. 4. art. 3. Joannem Majorem in 4. distinct. 20. quest. 2. §. Dubitatur; Sylvestrum, verbo Indulgentia, q. 2. num. 4. Dominicum a Soto in 4. dist. 21. quest. 1. artic. 4. Michaelum Medinam disp. 4. de indulgentiis, Ledesmum in 2. par. 4. quest. 27. art. 2. Antonium Cordubensem. quest. 9 de indulgentiis. Navarrum tract. de Jubile No-tab. 11. num. 48. et ex veteribus Canonistis Paenitentianum, et Joan. Andream in cap. Quod autem, de penit. et remiss. Denique fatetur Cajetanus haec esse communem sententiam, nec immerito. Nam illi queque, quos pro ipso citavimus, excepto Petro a Soto, non tam aperie loquuntur, ut certum sit eos ejusdem esse sententiae, quamvis in eam propendere videantur. Probatur igitur nostra propositio, primo ex constitutione extravagante Bonifacii VIII, que incipit, Antiquorum : in qua legimus, indulgentiam datam, esse plenam, largiore, et plenissimam. At certe si non concederetur indulgentia, nisi de injunctis penitentias, satis fuisset dicere concedi plenam, sive plenariam. Quid igitur sibi vult plenior et plenissima? Adde quod auctor Glossa in hanc extravagantem scribit, Bonifacium de hac re interrogatum respondisse, per plenissimam indulgentiam se intellexisse illam omnem indulgentiam, ad quam se claves Ec-

clesiae possunt extendere. Non potest autem dubitari, ut etiam Cajetanus, et Petrus a Soto fatentur, quin claves Ecclesiae ad indulgentias penitentias non injunctas, sed tamen debitas in iudicio Dei possint extendi. Addit praeferat, quod Paludanus loco notato testatur, ab eodem Bonifacio fuisse prohibitum penitentiarium, ne confitentibus peccata anno illo jubilei satisfactioe injungeret. Non igitur dubitari potest, quin Pontifex Bonifacius indulgentias de non injunctis dare voluerit. Simile est, quod de Pio V Pontifice Maximo et optimo testatur Bartholomeus ab Angelo, in libro italicico, qui inscribitur « Consolatio de penitentiis », lib. 1. cap. 4. pag. 13. scribit enim hic auctor, Pium V. privatum interrogatum, affirmasse, indulgentias absolute pronunciatas, non restringi ad penitentias injunctas, sed extendi etiam ad non injunctas. Et quamvis duobus isti Pontificibus non ediderint publicam hujus questionis explicationem per rescriptum aliquod Pontificium, tamen non est levius momenti tantorum virorum etiam privata sententia. Secundo probatur ex consuetudine nostrorum temporum. Nunc enim vix unquam injunguntur penitentiae multorum annorum, et tamen Pontifices, qui hoc non ignorant, adhuc promulgant indulgentias septem, vel decem annorum, atque alias similares; igitur non volunt Pontifices, hoc saltem tempore, indulgentias restringere ad penitentias injunctas, sed extundit etiam ad eas, que merito injungi posset si penitentia criminibus aequaliter injungeretur. Præterea, ut supra diximus, hoc tempore qui se parant ad indulgentias consequendas, confiteri solent peccata sacerdoti, et injunctam satisfactionem implere; non igitur existant, sibi tantum injunctas penitentias condonari, sed alias longe maiores: quod si haec populorum existimatio non esset vera, manifeste falleretur populus, et hujus deceptionis causa in Praefatis Ecclesiis referri posset. Denique in literis indulgentiarum aliquando ponitur, ut sacerdotes imponant salutares penitentias iis, qui indulgentias consecuturi sunt; non igitur indulgentia eorum litterarum ad injunctas penitentias sed non injunctas perficit. Neque enim Pontifices, relaxare intendunt penitentias illas salutares, quas jubent imponi.

CAPUT VIII.

Solvuntur argumenta contraria.

Adversus doctrinam capituli superioris non desunt objectiones, vel calumnias Lutherorum, sed eas in librum sequentem differre malumus. Hoc autem loco solum diluvemus argumenta, que fieri solent adversus postremam propositionem capituli superioris.

Prima objectio. In iure canonico additur particula de injunctis, cum de indulgentiis concedendis agitur; igitur ea particula sub-intelligi debet, etiam cum non exprimitur. Debet enim indulgentiarum concessio semper explicari ad formam juris. Id quod expresse testatur forma indulgentiarum, que in sacello Pontificis promulgantur. Dicunt enim de indulgentiis secundum formam Ecclesiae consuetam. Responsio. Additur quidem nonnumquam ea particula, De injunctis, in iure canonico: sed saepe etiam non additur: proinde nihil efficit hoc argumentum. Porro saepe non addi eam particulam facile demonstrari potest. Nam in extravagantiis Antiquorum, in extravagantiis Unigenitus, in extravagantiis Quemadmodum, de penitent. et remiss. restringit Episcoporum potestatem in indulgentiis conferendis ad condonationem unius anni de injunctis penitentias. At si indulgentiae secundum jura dari possent tam de injunctis, quam de non injunctis, Pontifex restringens solum indulgentias de injunctis, inane decretum fecisset; voluit enim resarcire indulgentias superflueas, et indiscretas per quas satisfactio penitentialis, ut ipse loquitur, enervatur. Non autem ressecasset, si possent indulgentiae dari de non injunctis, de quibus ipse nihil decreverit. Quod si respondeas, Pontificem dum resecavit superflueas indulgentias de injunctis penitentias, censeri majore ratione resecasse indulgentias de non injunctis: contra objiceris, quod graviores sint penitentiae injunctae, quam non injunctae, que illae obstringunt coram Deo et Ecclesia, istar autem coram Deo tantum: et cum tollantur graviora, non consentur sublata etiam leviora. Responsio. Primum dici posset, injunctas penitentias esse graviores aliquando et secundum quid; non injunctas autem ut plurimum et simpli- citer; potest enim accidere, ut alieni penitentiae injungatur non quidem *integra et equalis*, sed tamen ejusmodi, ut plus penas per eam expietur, quam expiadum relin-

ter. Secunda objectio. Non dicuntur proprie remitti, nisi debita: *nemo autem debitor est*

solutur; tamen ut plurimum longe plus est, quod expiandum restat per non injunctas penitentias, quam quod expiat per injunctas: pari ratione tanto minus est obstringi coram Deo, et coram Ecclesia ad agendum penitentiam injunctam levissimam, et forte unius horae, quam obstringi coram solo Deo ad perferendum crucifixum acerrimum multorum annorum: ut illud dici possit gravius secundum quid, hoc autem gravius simplificer. Quare qui restringet indulgentias de penitentias injunctis, jure censetur restringere etiam indulgentias de non injunctis, si revera modum ponere voluit indulgentias. Deinde responderi potest brevius et facilius: in decreto Innocentii duas restrictiones contineri, unam quoad tempus, ut non liecat Episcopis excedere unum annum in indulgentiis condonandis: alteram quoad genus, sive qualitatem, ut non liecat eisdem indulgentias concedere absolute, sed solum de injunctis penitentiis; per hoc enim omnia que possunt fieri, argumenta cessant. Est autem hoc loci observandum, quod quavis non teneatur qui indulgentias percipit, injunctam penitentiam explore, nisi forte indulgentia minor sit quam debutum ipsius, aut impletio penitentiae injuncta sit una ex conditionibus expressis in litteris Pontificiis pro indulgentia obtinenda: tamen hortandi, ac monendi sunt penitentes, ut injunctam penitentiam diligenter devolect perfeant, tum quia penitentia illa medicinalis, tum quia meritoria erit, tum quia fieri potest, ut indulgentia, quam se perceptum sperat, ob aliquod impedimentum non vere percipiat; de qua re vide S. Thomam in 4. dist. 20. quest. 4. art. 3. quest. 4. ad 4. Panormitanum in cap. Quod autem de penitentia et remiss. Gabrielem in supplemento 4. dist. 43. quest. 3. art. 2. proposit. 11. Angelum in Summa, verbo Indulgentia, num. 1. Sylvestrum, verbo eodem, quest. 9. num. 23. et Anton. Cordub. quest. 40. de indulgent. coroll. 4.

Ex his quea hactenus dicta sunt colligi potest integræ indulgentia definitio, quæ talis erit: indulgentia est absolutio judicialis a reatu poena Deo debita in foro penitentiariorum, extra sacramentum data per applicationem satisfactionum, que thesauro Ecclesie continentur. Quod si quis definitio extendere velit ad indulgentias, que pro defunctis accipiuntur, que sunt indulgentias per modum suffragii, non simplificet, et ab-

solute, mutare poterit illud initium, est absolutio judicialis a reatu etc., et dicere, est remissio poena etc. Porro Cajetani definitio: indulgentia est absolutio a poena injuncta in foro penitentiae, que habetur tract. 45. cap. 2. partim videtur redundans, propter verbum, injuncta, partim deficiens, propter omisam mentionem thesauri. Definitio Dominici a Soto in 4. dist. 21. quest. 4. art. 4. indulgentia est relaxatio poena peccati debite, que extra sacramentum fit, nimis est diminuta, cum neque explicet, an indulgentia sit proprie absuluta, neque doceat a qua poena hominem liberet, neque thesauri mentionem faciat.

CAPUT IX.

De varietate indulgentiarum.

Explicimus hactenus de indulgentiis, an sint, et quid sint, nunc quales sint paucis expediemus. Nihil enim aliud circa indulgentiarum qualitatem queri posse video, nisi que sit indulgentiarum varietas. Invenio putem indulgentias quinque modis consuēsse concedi. Interdum enim conciduntur aliquot dies, vel anni indulgentiarum; interdum quadragesima dierum; interdum tercia, vel quarta, vel alia peccatorum pars; interdum indulgentia plenaria; interdum indulgentia plena, plenior, et plenissima in forma jubilaei; et rursus haec omnia vel conceduntur in vita, vel in articulo mortis; et deminque vel sunt indulgentiae temporarie, vel perpetuae. Et quidem indulgentia tot dierum, vel annorum, secundum veriorem sententiam significat remissionem penitentiae, que per agenda fuisse tot diebus, vel annis, secundum Ecclesiæ ritum. Constat enim ex Tertulliano in lib. de penitentia, et aperius ex Concilio Triburiensi can. 54. et ex lib. 19. Burchardi, penitentibus multa fuisse imperata, multa etiam interdicta, ut exempli gratia imperabatur jejuniis feria 2. 4. et 6. interdicebat usus balnei, equitationis, uxoris etiam interdum, potissimum sacre communionis.

Indulgentia quadragesima significat remissionem penitentiae, quæ quadragesima continatis diebus in jejuniis, aliisque laboriosis operibus agenda fuisse. Quæ quadragesima, quando imperabatur acrior, ita ut solo pane et aqua contenti esse deberent, qui eam pergeant, carens dici solebat, quod videlicet

CAPUT IX.

carentiam omnium fere ciborum contineret. Ejusmodi carenam præmittit solitam ante septennem penitentiam, testantur Concilium Triburiense, et Burchardus locis notatis. Porro cum indulgentia condonat aliquam partem, ut tertiam vel quartam peccatorum, nihil significatur aliud, nisi remitti penitentiam, que pro tanta parte poena peccatis debite expianda necessaria fuisset. Indulgentia vero plenaria totum poenam reatum tollit, qui post culpam remissam forte remansit. Denique indulgentia plenior, vel plenissima etiam in jubilao, revera non differt a plenaria simpliciter et absolute concessa. Neque solida est illa quorundam distinctione, quod plena referatur ad solam peccatis mortalibus debitam; plenior addat remissionem poenæ debitam peccatis venialibus, plenissima adjungat absolutio nem non solum a poena, sed etiam a culpa, saltem veniali. Posset tamen fieri ut Bonifacius VIII qui in extravaganti Antiquorum, primus usus est illis vocibus, indulgentiam plenam, largiorem, et plenissimam, retulerit plenam ad remissionem totius penitentiae injunctæ; pleniorum, sive largiorum ad remissionem totius penitentiae, que secundum canones injungi debuerint; plenissimam, ad remissionem totius penitentiae, quæ a divino iudicio posset exigi. Vide de hac tota re Joannem de Turrecremata in commentator. dist. 4. de penitentia, super illud, item in Leviticus quest. 4. Navarrum in tract. de Jubileio Notab. 9. et 31. et Antoni Cordubensem quest. 32 de Indulgencie.

Exsistit autem hoc loco dubitatio, num indulgentiae aliquot dierum, vel annorum hujus vitæ, respondent in purgatorio relaxatio penarum totidem dierum, vel annorum. Et quidem omnes convenient, cum per indulgentias condonantur penitentiae aliquot dierum, vel annorum, consequenter etiam remitti poenam purgatoriæ, que penitentiae condonantur: sed utrum penitentia unius diei, vel unius anni in hac vita tantum reatus poenæ coram Deo expiare valeat quantum expiat unus dies, vel annus in purgatorio exactus, questio est. Nam Dominicus a Soto in 4. dist. 21. quest. 2. art. 1. contendit poenam purgatoriæ tanto esse acriorem poenæ hujus vitæ, ut unus dies in purgatorio exactus multo amplius de reatu poene peccatis debite detrahatur, quam multi anni vite presentis in penitentia severissime agenda consumpti. Ex quo ipse colligit, neminem

quantumvis insignem peccatorem in purgatorio poenam daturum ad viginti annos, et fortasse ad decem vel pauciores. Sed communis sententia contrarium docet, ut videre est apud Paludanum in 4. dist. 20. quest. 4. Adrianum in tract. de Indulg. §. Petet fortasse. Navarrum de Jubilæo Notab. 41. num. 22. Cordubensem quest. 32. de Indulg. proposit. 3. et alios, quos citat Sylvester in Summa, verbo, Indulg. num. 8. Quamvis enim poena purgatoriæ sit acrior omnibus poenis, quas in hac vita experti sumus, ut docent sancti Patres, Augustinus in Psalm. XXXVII. Gregorius in Psalm. III. penitentiam, Beda in eundem Psalmum, Anselmus in commentator, capituli tertii prioris Epistole ad Corinth. et Bernardus in serm. de obitu Humberti monachi: tamen ad expandi reatum poenæ efficacior est poena voluntaria hujus vitae, quam poena acrior purgatoriæ, quoniam hoc est tempus misericordie, illud justificat. Itaque in hac vita non est debitum ullum poenæ tam grande, quod non possit uno die, vel etiam una hora per martyrium omnino dissolvi; pro quo tamen solvendo in purgatorio vix multi anni sufficient. Sic enim loquitur S. Cyprianus lib. IV. epist. 2. « Aliud est longo tempore pro peccatis cruciatum emendari, et purgari diu igne, aliud peccata omnia passione purgasse ». Quod idem de vehementissima contritione dici potest, de qua re multa extant exempla in historiis. Sed illud unum hoc loco sufficit, quod se praesente configuisse narrat Joan. Climaclus in libro suo de scala Paradisi, grad. 4. scribit enim latronem quemdam omni genere scelerum cooptum tanto ardore animi peccata sua publice patefecisse, ut revealatum sit sanctis aliquibus viris ea omnia confituisse illa satisfactione purgata fuisse atque deleta. Constat præterea ex venerabilis Beda lib. V. historia Anglicana cap. 13, aliquis probatis auctoribus, plurimas animas in purgatorio usque ad diem iudicii, id est, per multis annorum centurias cruciendas: cum tamen nulla sit multitudo, vel gravitas peccatorum, que non possit in hac vita per penitentiam deleri non solum quoad culpam, sed etiam quoad poenam. Denique legimus in auctoribus gravissimis viros aliquos sanctos ob unum solum peccatum non parvo tempore in purgatorio cruciatus, ut patet de Paschasio Card. Romano apud S. Gregorium lib. IV. Dialogor. cap. 40. et de Severino Coloniensi Episcopo apud S. Petrum Damiani

in epist. de miraculis sui temporis ad Desiderium, et de sancta quadam virginie apud Gregorium Turonicum lib. de gloria Confessorum, cap. 5. In presenti autem via ejusmodi peccata levi ac brevi penitentia dilupotuerint. Sed contra objici potest, quod aliqui homines rei sunt poena luenda multis annorum milibus; quod probatur ex indulgentiis, que interdum continent condonacionem penitentiae quindecim, vel viginti milium annorum: at si longiori tempore reatus pena expiatur in purgatorio, et non potius tempore longe, ac longe breviore, quam in hac vita, sequitur omnino multa peccata post diem iudiciorum inexpia mansura. Responso. Non desunt, qui negant indulgentias illas, que continent condonacionem penitentiae multorum milium annorum esse a Pontificibus data, et a quaestuaris confititas dicant. Ita sentiunt Joan. Gerson in tract. de absolutione sacramentali, et Dominicus a Soto in 4. dist. 21. quest. 2. artic. 1. Pontifices enim non solebant indulgentias concedere nisi tot annorum, quot annorum penitentiae injungebantur: penitentiae vero non solebant injungi nisi unius, duorum, trium, quinque, septem, decem, viginti annorum, aut ad summum per totam vitam, que ultra centum annos porrigit non solet. Sed quicquid de hio sit, non videbat negandum, posse aliquos reos fieri penitentiae agende secundum canones per spatium aliquot milium annorum. Nam si peccatis lethalibus singulis debetur secundum canones penitentia trium, vel septem annorum, quis enumeret annos penitentiae, qui secundum canones prescribi deberent iis, qui consuetudinem habent perjrandi, vel blasphemandi ad singula propria momenta, et frequentissime homicidia, furtum, sacrilegia, adulterii perpetrant, ac denique ut legimus in lib. Job cap. 13: *Bibunt quasi aquam iniquitatem* (1)? Atque hoc sine dubio resperxerunt. Summi Pontifices, si qui sunt, qui revera indulgentias dederint decem, vel viginti milium annorum. Sed quemadmodum in hac vita penitentia multorum annorum potest una hora persolvi, si penitentes temporis diuturnitatem vehementia charitatis, et extensionem penitentiae intensione compensent: sic etiam fieri potest, ut in purgatorio diutius quidem crucientur quam in hac vita, qui cum tam ingenti debito decesserint: tamen ibi quoque acerbitatis ve-

hemtientia, faciat, ut debitum viginti milium annorum, annis trecentis, vel quadragesimae expiari queat.

Jam vero de alia varietate, qua dicebamus, indulgentias concedi in vita, vel in mortis articulo: nonnulla questione esse potest, quid intelligendum sit per mortis articulum. Sed responsio facilis est; nam si in literis pontificis exprimatur mortis articulus verus, tunc sibi non assequitur indulgentiam illum, nisi qui revera paulo post acceptam absolumentem moritur. Si vero non exprimitur, sed generatim dicatur, in mortis articulo, tum sententia communior est indulgentiam obtineri etiam in mortis articulo presumpto, quamvis revera mors non sequatur. An autem qui indulgentiam consecutus est in mortis articulo presumpto, possit rursus eamdem assequi cum iterum veniet ad mortis articulum. Doctores dissentunt, sed istae questiones ut plurimum ex inspectione litterarum dissolvuntur. Vide Navarrum de Jubilæo Notab. 30. num. 3. 4. et 5. et Cordubensem quest. 39. de Indulg.

Restat ultima varietas de indulgentiis temporariis, vel perpetuis. Dicuntur enim temporariae, qua conceduntur definito spatio temporum, quo indulgentia percipi potest, ut cum definitus viginti quatuor horae, vel una, aut altera hebdomada, vel integer annus, ut in jubilæo. Perpetuae vero dicuntur, que sunt alligatae certis locis, ut Ecclesiis, vel altaris, vel etiam rebus mobiliis, ut Rosariis, vel Granis benedictis, sine ulla temporis determinatione, quales fuerint, quas concesserunt Leo III, et Sergius II, ut annotavimus supra cap. 3.

CAPUT X.

Utilem esse indulgentiam omni hominum generi.

Jam vero de utilitate indulgentiae breviter disserendum est, ut ad illam etiam questionem respondamus, propter quid, sive eius rei gratia indulgentia detur vel accipiatur. Sed de causa, cur indulgentia detur, disputandum erit paulo post, cum explicabimus quid requiratur in eo, qui indulgentiam concedit. Ostendimus enim requiri duo, auctoritatem legitimam, et causam pliam.

CAPUT X.

Nunc solum de causa cur indulgentiae queruntur, et accipiuntur, dicendum est. Et quidem, dubitari non potest, quin potissima causa sit remissio poenæ temporalis. Hic enim est fructus, haec præcipua utilitas indulgentiae. De qua re id solum queri potest, an sit utilis omnium hominum generi remissio poenæ temporalis. Lutherus enim, praeter alios errores suos, id etiam docuit, indulgentias non esse utiles nisi publicis et sceleratissimis peccatoribus, ut perspicuum est ex assert. art. 18. Sed apud Catholicos res certissima est, indulgentias omnibus esse utiles, et ab iis etiam, qui perfectioni dant operam, recte queri, et suspici posse. Nam omnibus utile est liberari ab iis rebus, qua retardare possunt adceptionem summi boni, talis autem est reatus poenæ temporalis, cum qui si quis ex hac vita migraverit, non poterit continuo perlingerem ad vitam eternam, sed expiare debet eum reatum in locis purgatorii. Præterea, indulgentiae non solum expediunt ab impedimento jam dicto, sed etiam contra non impedient ulrum hominum meritum, aut ullum magis bonum: neque enim prohibent, qui suscipiunt indulgentias, operam dare jejuniis, eleemosynis, precibus, alisque operibus bonis. Quare nulla ratio est, cur non sint dicenda utiles, et salutares omni hominum generi. Sed obiecint aliqui: Perfectorum hominum non est fugere penas, sed eas potius quærere, tum ob exercitium patientie, tum ob imitationem Christi patiens: *Christus enim passus est pro nobis, relinquens nobis exemplum, ut sequamur vestigia ejus* (1). I Pet. ii. Responso. Perfectorum est non fugere penas, quia juvant ad promerendum Deum, et promovent ad salutem citius acquirendam, quale est martyrum, et alias penas sponte suscepit, atque ad ejusmodi penas libenter aperferendas sanctus Petrus abhortatur. Est tamen perfectorum fugere debitum penae, cum per illud impediatur et retardetur, ut diximus, ab ingressu patrie celestis. Immo propterea querunt penas hujus vite, et se veram penitentiam agunt, ut liberentur a reatu illo, et non cogantur post mortem diutius in purgatorio penas dare. Quare libenter propter eamdem causam suscipiunt indulgentias, ut tanto facilius a reatu illo expediantur.

Obiecint rursus: Indulgentia non est opus

meritorum, sed solum satisfactorium, non igitur utilis est perfectis, qui modica, vel nulla satisfactione indigent. Responso: Indulgentia per se non est meritoria, sed satisfactoria: tamen meritoria etiam esse protest ratione operis injuncti. Si quis enim ex charitate Dei injuncta opera exequatur, jejuna, eleemosynas, preces et similia, sine dubio per haec opera ex charitate facta meritorum non exiguum sibi parabit. Ipsa quoque suscepit indulgentiae meritoria erit, si quis eam ex amore Dei suscipiat, ut expeditus reatu illo penas liberius ad ipsum Deum vindendum, et perpetuo laudandum evolare possit. Et quanvis viri perfecti modica satisfactione egeant, tamen rari sunt, qui non aliqua egeant, ac per hoc non sint illis etiam utiles indulgentiae.

Denique objiciunt ex communi sententia utilius esse pro se propriis operibus satisfacere, quam alienam satisfactionem querere. Responso: Utilius quidem est, et tutius pro se satisfacere, quam indulgentias querere, sed utroque utilis est illud facere, et istud non omittere; et hoc est, quod boni auctores consulti, ut qui suscipiunt indulgentiam, non cessent a penitentiae fructibus producendis, qui meritorii, et medicinales plerumque esse solent, et utilius est, dabo pedibus iter facere, quam uno tantum.

Præter hanc utilitatem sunt etiam aliæ adjunctæ, quando in forma jubilæi indulgentiae publicantur. Nam et datur facultas eligendi confessariorum, ex approbatu tamen, iuxta decretum Concilii Tridentini sess. 23. cap. 13. nam alioqui non judicantur idonei confessarii, et Summus Pontifex in jubilæis non permittit facultatem non idoneos elegendi. Item datur auctoritas confessarii absolvendi a multis casibus reservatis, multisq; censuris ecclesiasticis, necnon vota nonnulla in alia pia opera commutandi, atque alia id genus, que notissima sunt. Sed existent hoc loco dubitationes due.

Prima. Si quis tempore jubilæi absolutio-

nem a reservatis accipiat, et postea tamen

negligat ea perficere, que ad indulgentiam consequendam necessaria sunt, ac absolutio illa rata sit. Responso communis est, ratam esse, quoniam absolutio non pendet a futura conditione, neque pendere potest.

Altera dubitatio. Si quis spe futuri jubilæi

in peccatum reservatum sponte incidal, an

(1) Job. XV, 16.

(1) I Pet. II, 22.

ab eo peccato possit absolvī? Respondent aliqui, non posse, in quibus est S. Antonius 4 par. tit. 40. cap. 3. §.... Sed alii contra sentiunt, ut Navarrus in tract. de jubile, Notab. 34. num. 4 et 6. Cordubensis quest. 37. de Indulgent. proposit. 3. et alii.

CAPUT XI.

Quis possit indulgentias concedere.

Sequitur nunc, ut explicemus, quid requiratur ad hoc ut indulgentia rata sit, tum ex parte concedentis, tum ex parte suscipiens. Et quidem ex parte concedentis duo requiri videntur, auctoritas legitima, et causa justa ex parte susceptientis alia duo, status gratiae, et executio operis injuncti. De quibus ordine dicendum erit. Principio igitur auctoritate requiri extra controversiam est, nam absolvere, vel ligare non potest, nisi is, qui jurisdictionem habet; indulgentias autem dare, absolvere est, ut supra demonstravimus ex cap. Quod autem, de penit. et remiss. Praeterea, distribuere bona communia non potest nisi magistratus, vel princeps, cui bonorum communium administratio, et dispensatio credita est: Indulgentia vero praefer absolute, continent etiam applicationem thesauri spiritualis, ut ostendimus loco notato. Porro haec auctoritas potissimum residet in Summo Pontifice, ac propter ea potest ipse indulgentias etiam plenarias omnibus fidelibus largiri. De qua re nulla dissentio est. Nam constat a Apostolo Petro, cui Summus Pontifex succedit, proprie dictum esse a Domino Matth. xvi. *Quodcumque solveris etc.* (1). Deinde constat ex jure Canonico, cap. Cum ex eo, de penit. et remiss., in Summo Pontifice ad indulgentias concedendas esse plenitudinem potestatis. Denique constat, re ipsa frequentissime Summos Pontifices indulgentias plenarias concessisse.

De episcopis, ac metropolitani res est etiam extra controversiam, possit illos in sua diocesis, istos in sua provincia, indulgentias tribuere, sic tamen, ut indulgentiam unius anni in die Dedicationis Ecclesie vel quadragesima dierum alias temporibus, de injunctis penitentiis non excedant. Ita enim habemus cap. Cum ex eo, et cap. Nostro, de penit. et remiss. et cap. Indulgentiae, eodem in 6.

(1) Mat. XVI, 19.

Nec minus certum est, non requiri potestatem ordinis, sed solam potestatem jurisdictionis ad indulgentias concedendas. Prinde poterit Pontifex Maximus, vel episcopus indulgentias concedere, etiam si nondum sit sacris Ordinibus insignitus, ut docet S.Thom. in 4. dist. 20. quest. 1. art. 4. questiuncula 2. Neque amittitur haec potestas per peccatum lethale, ut idem S. Thomas docet in eodem art. 4. questiuncule 4.

De legatis apostolicis, posse eos concedere ex commissione speciali, vel generali Summi Pontificis indulgentias in omni loco, ad quem sue legationes se extendunt, nemo dubitat. Summum penitentiarium, posse concedere centum dies indulgentiae testatur Petrus Paludanus in 4. dist. 20. quest. 4. art. 2. quod idem de aliis Cardinalibus testatur Navarrus in tract. de Jubile, Notab. 31. num. 17. quamvis id magis consuetudine, quam legi nitatur. Atque haec quidem videntur esse certa et rata. Nemo de iis, que dubia sunt breviter disseremus. Primum igitur de concilio generali queri potest, an possit plenarias indulgentias dare. Id enim affirmat Felinus, in serm. de indulgent. num. 28. Dominicus a Soto in 4. dist. 21. quest. 1. art. 4. Navarrus de Jubile, Notab. 31. num. 2. et Cordubensis quest. 12. de indulgent. proposit. 8. Quamvis autem neminem legerim, qui expresse doceat concilium generale non posse id facere: tamen videntur hoc sentire omnes alii auctores, qui scribunt ad solum Pontificem Summum spectare potestatem concedendi plenarias indulgentias, et de concilio generali nihil dicunt. Et sane verissima mihi esse videtur posterior haec sententia: Nam nullum bujus rei exemplum habemus, nisi Concili Basilensis sess. 24. quod Concilium ex tempore schismatum erat, neque ejus decreta, et multo minus exempla certam fidem faciunt. Concilium autem Constantiense sess. 17. prope fin. indulgentias concedit non plenarias, sed sololum centum, vel quadragesima dierum; quod recte poterat facere, cum in eo concilio essent multi non solum Episcopi et Archiepiscopi sed etiam Cardinales. Praeterea primus, qui docuit a concilio generali concedi posse plenarias indulgentias, et quem Felinus aliquae seculii sunt, Panormitanus fuit in serm. habito in Synodo Basileensi, ut Felinus refert. Quid autem mirum si Panormitanus hoc docuit

CAPUT XI.

in eo loco, ubi concilium supra Papam esse clamabant omnes? Postremo concilium generale, secluso Papa, non habet Papalem auctoritatem, nec formaliter, nec eminenter, nec ullo alio modo, ut rectissime Cajetanus docet et probat tract. 4. de auctoritate Papae, et Concilii cap. 11 et 12. et tract. 2. cap. 6. et nos etiam docuimus, et probavimus in lib. II de Concilii cap. 16. Non igitur potest Concilium, secluso Papa, eas facere, que proprie ad Summum Pontificem pertinent, sed ea solum, ad qua se extendit episcopalis auctoritas. Constat autem non posse Episcopos, etiam multis simul conjunctos indulgentias dare, nisi unius anni, vel quadraginta dierum, ut expresse habetur cap. Cum ex eo, de penit. et remiss. et cap. Indulgentiae, eodem in 6.

Altera dubitatio est de jure, quo Episcopi possunt indulgentias elargiri. Aliqui enim existimant, Episcopos iure divino id posse, alii negant. Sed haec questio ex alia pendet, utrum jurisdictionem Episcopi accipiant a Deo immediate, an vero per Summum Pontificem. Quam questionem nos explicitius in lib. IV de Summo Pontifice, cap. 23 et duobus sequentibus, neque est cur hoc loco eadem repetamus. Igitur juxta ea, que loco notato diximus, existimamus Episcopos a Summo Pontifice jurisdictionem omnem, ac per hoc potestatem indulgentias conferendi accipere. Cujus rei argumentum est etiam, quod videamus a Summo Pontifice restrictam et limitatam Episcopis hanc potestatem fuisse; neque dubium est, quin ab eodem penitus tolli, vel etiam augeri et extendi possit. Quod si adeo immediate illam haberent, posset quidem Summus Pontifex interdicere illis usum ejus potestatis, tamen si obstinare ea uti vellent, non posset Summus Pontifex impidere, quoniam ratus esset, quod illi fecissent. Quemadmodum cum Pontifex aliqui Episcopo interdicte, ne utatur facultate, quam habet a Deo, conferendi sacramentum Confirmationis vel Ordinis, peccat quidem Episcopus non obtemperans Pontifici Maximo, tamen collatio illi sacramenti Confirmationis vel Ordinis rata est: neque videtur posse reddi illa ratio, cur possit Summus Pontifex efficere, ut indulgentiae ab Episcopo concessa non sit rata, et non possit idem efficere de collatione sacramenti Confirmationis, vel Ordinis, nisi quia priorem potestatem habent Episcopi a Pontifice, posteriore a Deo.

Praeterea S. Thomas in 4. dist. 20. quest. 1. art. 4. questiuncula 1. pulchre docet, nullus esse absolute prelatos, nisi Episcopos, ipsi enim sunt rectores inferi populi, et quasi reges in parvo regno, atque ita presunt hominibus omnium ordinum, alatum, sexuum, conditionum; abbates autem sunt quasi patres unius familie, ac domus, et presunt soli monachos. Parochi quoque non presunt, nisi uni paroecie quasi uni familie: potestas autem dispensandi thesaurum Ecclesie non convenit nisi veris prelatis, qui sunt principes populi Dei. Quare tum ipsi abbates, tum parochi, aliquae omnes sive clericie, sive laici, sive regulares, sive secularares aliquo modo subjiciuntur Episcopo, et ideo participes fieri possunt indulgentiae ab Episcopo in commune propositae, ut docet Paludanus in 4. dist. 20. quest. 4. art. 3. concl. 1. sicut etiam tenentur, licet alias regulares ut plurimum sint exempti, dies festos ab Episcopo tolli civitati indicatos observare,

Verum tamen est, quod si opus injunctum ab Episcopo pro indulgentia consequenda, non possit impleri a regularibus absque praepositi facultate, tenetur eam facultatem a praeposito petere, si velint indulgentie participes fieri; non enim debet regularis observantia propter assequendas indulgentias violari, vel relaxari, ut monet S. Thomas in 4. dist. 20. quest. 1. art. 3. quæstiuncula 2. Neque his repugnat communicatio illa meritior, vel satisfactionum, quos praepositi ordinum religiosorum bene merentibus de ipso ordine concedere solent. Illa enim communicatione non est indulgentia, ut perspicuum est, tum quia non absorbit a penitentia injuncta a sacerdote in sacramento Penitentiae, tum quia non communicat merita, vel satisfactiones jam preterieras, cum illa si superflue fuerint, in thesauro recondentes sint, sed solum futuras post illam communicationem: tum quia ista communicatio magna ex parte prodest per mundum impetrations, quod non convenit indulgentiis. Orant enim religiosi assidue pro sua congregations, pro amicis et beneficiis, et pro aliis, vel personis, vel necessitatibus ad intentionem praepositorum. Neque Innocentius, aut Paganitus ab Angelo, et Bartholomeo allegati loquuntur de indulgentiis, sed solum dicunt, posse parochum, et alios confessarios injungere penitentiam minorem, quam canones prescribant, si eis videatur ita esse faciendum justis de causis. Sed hinc non est dare indulgentiam, quia quod minus illi injungunt, expiandum erit, vel in hac vita per opera penitentia sponte assumpta, vel in purgatorio. Vide Silvestrum verbo, Indulgencia n. 12. Cordubensem de Indulgente. quest. 12. et Navarrum de Jubileo Notab. 31. num. 9.

CAPUT XII.

An requiratur causa justa, ut indulgentia sit rata.

Disserimus de auctoritate, nunc de causa disserendum est. Nam haec duo requiri dicimus, ut indulgentia rite concedatur. Ac ut sejungamus certa ab incertis, convenit primo inter omnes scriptores, sine justa causa ratam esse indulgentie concessionem, quo ad ea, que pendent ex solo iure ecclesiastico, qualia sunt privilegia eligendi confessarium, qui possit etiam a reservatis pecatis absolvere, et alia id genus. Docet

Navarrus de Jubileo, Notab. 13. num 12. et Dominicus a Soto in 4. dist. 21. quest. 2. art. 2. concl. 2. et ratio est, quoniam cum Summus Pontifex dispensat in jure ecclesiastico, dispensatio est rata, etiamsi non adsit causa justa. Satis enim est, si constet, eum voluisse dispensare, cum id totum ab eius arbitrio et voluntate dependeat.

Secundo convenit inter omnes, sine justa causa, indulgentiam non esse ratam, quod attinet ad expiandum reatum penae coram Deo, vel in hac vita, vel in alia. Docent S. Thomas, S. Bonaventura, Durandus, Gabriel, et alii, in 4. dist. 20. et recentiores omnes. Ratio vero est, quoniam haec pena expianda est iure divino, non potest autem Summus Pontifex sine justa causa dispensare in his, que aliquo modo pertinent ad jus divinum, quoniam minister Dei est, non dominus. Id quod etiam videmus accidere in dispensatione juramenti, et voti; relaxat enim obligationem nomine Dei, quando causam habet ejusmodi, ut credibile sit id placitum Domino. Quod si pro arbitrio, sine ulla justa causa dispensem, Deus non habet ratam dispensationem. Praterea Summus Pontifex non solum non est supra jus divinum, ut possit illud pro arbitrio tollere, sed neque est Dominus, sed dispensator thesauri spiritualis, dispensator autem fidelis, et prudens esse debet, aliqui non dispensator, sed dissipator dicendus erit. Quare Clemens VI, in extrayaganti, Unigenitus, cum scribit, Summum Pontificem posse thesaurum spiritualium dispensare, addit, justis ex causis, et post finem Concilii Constantiensis in Constitutione Martini V, interrogari jubentur suspecti de fide, an credant, Summum Pontificem indulgentiam justis de causis posse concedere; et semper in litteris indulgentiarum exprimitur causa, cur indulgentiae concedantur. Denique cur dicuntur in Concilio Lateranensi generali sub Innocentio III indulgentiae quedam non solum indiscretae, sed etiam superfluae, nisi quia otiose, inane, et irrite sunt? de quibus recte dici potest illud S. Cypriani serm. de lapis. Irrita pax, perniciosa dantibus, et nihil acceptipientibus profutara.

Tertio convenit inter omnes, ad justam causam non requiri, ut opus injunctum sit in se ita satisfactorum, ut plene compenset debitum penae, quod remittitur per indulgentiam; tunc enim indulgentia non esset remissio. Questio igitur in eo solum versa-

tur, an ad justam causam requiratur propositio aliqua operis injuncti cum indulgentia, ita ut pro majori indulgentia major causa requiratur, an vero possit pro opere minimo dari indulgentia maxima. De qua re due sunt opiniones; prior est eorum, qui docent, non requiri proportionem ullam, sed satis esse, si causa sit pia, id est, modo non concedatur indulgentia pro opere malo, vel pro opere mere temporali, aut pro opere vano, et nihil ad divinam gloriam pertinente, sed pro quoque opere, quod ad honorem Dei, vel Ecclesie utilitatem cedat, indulgentia rata erit. Ita docuit S. Thomas in 4. dist. 20. quest. 1. art. 3. quæstiuncula 2. Durandus, et Paludanus in eadem distinct. 20. quest. 4. Antoninus 1. par. tit. 10. cap. 3. §. 4. Joannes de Turecremata in comment. dist. 1. de penit. can. Quis aliquando, §. Item in Levitico, quest. 4. Glossa in extravagantem Bonifacii VIII. Antiquorum, de penit. et remiss. Silvester in summa, verbo, Indulgencia, num. 19. Joan Tabiensis, verbo, Indulg. num. 10. et noster Gragorius de Valentia in tract. de Indulg. cap. 7. Rationes hujus sententiae dicuntur fere omnes ab uso Ecclesie. Nam videmus pro eadem causarum indulgentias, aliquando majores, aliquando minores. Item videmus interdum pro causa levissima dari indulgentias maximas, ut cum datur indulgentia plenaria omnibus, qui ante fines Basilice S. Petri adstant, dum Summus Pontifex in die Paschæ populo solemniter benedicat. Ad hanc si indulgentia, sine causa satis magna concessæ, non esset rata, Christianus populus a Pastoribus suis graviter deciperetur, quod non videtur ullo modo asserendum. Praterea commune pronuntiatum theologorum est, indulgentias valere, quantum sonant: igitur si pro levissima cause indulgentias maxime in litteris pontificis dari significetur, indulgentia illa rata esse debet. Denique indulgentiae non nintur ista causa operis injuncti, quamvis haec etiam adesse debeat, sed thesauro infinito meritorum Christi, et Sanctorum, que est causa sufficiens, immo superans, et trascendens omnem indulgentiae condonationem.

Posterior sententia est aliorum, qui contendunt ad justam causam requiri aliquid non solum plium et utile, sed etiam quod se ita satisfactorum, ut plene compenset debitum penae, quod remittitur per indulgentiam habeat cum indulgentia; ita ut non sit ratum, si detur, pro causa levissima indulgentia maxima. Ita docent ex ve-

teribus Scholasticis S. Bonaventura in 4. distinct. 20. par. 2. quest. ult. Richardus in eadem dist. 20 quest. ult. Augustinus de Ancona in Summa de potestate Ecclesie quest. 30 art. 4. et 5. Joan. Gerson in tract. de Absolutione sacramentali, Gabriel in supplemento 4. dist. 43. quest. 3. art. 4. et in Canonem Missæ lect. 37. Ex auctoribus nostris seculi idem docuit Adrianus Papa in 4. in tract. de Indulg. Cardin. Cajetanus in tract. de causa Indulgencie, et in alio tractato ab Julianu Medicem cap. 8. Joan. Major in 4. dist. 20. quest. 2. Martinus Ledeinus par. 2. 4. sent. quest. 27. art. 2. Dominicus a Soto in 4. dist. 21 q. 2. art. 2. Petrus a Sofo lect. 2. de Indulg. Navarrus de Jubileo Notab. 3. num. 3. et 4. Cordubensis quest. 20. de Indulg. His addi possunt Innocentius in cap. Quod autem, de penit. et remiss. et Felius in serm. de Indulgencie. Hujus posterioris sententiae rationes haec sunt. Prima, quoniam videntur abuti vocabulis, qui dicunt, requiri justam causam ad concessionem indulgentiarum, et tamen volunt pro opere quoquecumque etiam levissimo concedi posse indulgentiam maximam quoniam enim justa causa dici potest, que nullam habet proportionem cum effectu? Secunda, quoniam non solum infidelis dispensator dicitur, qui nulla de causa donat bona domini sui, sed etiam qui pro re minima profudit, ac prodegit thesauros pretiosos ejusdem domini sui. Tertia, quoniam si pro quoquecumque pia causa concessæ indulgentiae, rata essent, nulla dici possent superflue, vel indiscretæ, cum semper sit in prompta aliqua pia causa, que allegari possit. Quarta, quoniam non est dissimilis indulgentiae, largitio dispensationis votorum. In votis autem convenient omnes, non possunt dispensari nisi pro maxima causa, que magis placeat Deo, quam ipsa impletio voti. Quinta, quoniam si esset vera ea sententia, posset Summus Pontifex in momento liberare omnes animas purgatorii: quia posset dici non deesse causam pliam, cum ad gloriam Dei pertineat, ut tot anime clausissime volent ad coelum, ubi perpetuo Deum laudabunt. Possunt fortasse conciliari haec sententiae alii modo: sed absolute posterior, ut est communior, ita etiam verior mihi esse videatur. Sed ut magis res explicetur, observandum est primum, ad causam justam ut plurimum duo requiri, primo finem aliquem prius, ac Deo gratum, cuius assecutio magis

placeat Deo, quam poenitentialis satisfactio, quæ per indulgentiam relaxatur. Is enim fidelis, et prudens est dispensator celestis thesauri, qui fidelier agit causam domini sui, et juxta ejus voluntatem operatur. Secundo opus aliquod, per quod revera finis ille probabilitati obtiniri possit. Nam si finis quidem valde placeat Deo, sed per opus injunctum nullo modo valeat obtineri, non videtur justa causa danda indulgentie. Ut exempli gratia, si detur indulgentia plenaria iis, qui semel recitant orationem Dominicam pro conversione haereticorum causa non videbitur justa; quoniam tametsi conversio haereticorum res est maxima, et Deo gratior, quam poenitentialis satisfactio multorum fidelium, tamen non est probable convertendos haereticos per eam solam, brevissimamque orationem. Quomodo etiam si detur indulgentia iis, qui numnum unum, expont pro recuperanda Hierosolyma, non videbitur justa causa tanta indulgentie, quia opus illud non est ejusmodi, ut per ipsum Hierosolyma recuperari possit. Observandum est secundum, non requiri ad proportionem cause cum indulgentia, ut opus injunctum sit in se valde meritiorum, vel satisfactoriorum, vel difficile, et laboriosum, quanvis haec etiam spectari debeant, sed requiri, ut sit medium aptum, atque utile ad consequendum finem, cuius gratia conceduntur indulgentiae. Itaque fieri potest, ut per opus in se satis leva et facile magna indulgentia acquiri possit; quoniam opus illud leva, ac facile est medium ad finem Deo gratissimum assequendum. Talis est exempli gratia, assistentia illa pro foribus Basilicae S. Petri Romæ, dum Summus Pontifex solemni ceremoniæ populo benedicit. Illam enim assistentiam prior opinio rem levissimam et causam minimam appellabat, talis enim est si per se absolute considerefur. At eamdem assistentiam posterior opinio magnam causam et justam esse diceret, quoniam frequenter illa populi eo tempore medium est aptum, et utile ad protestationem fidei de capite Ecclesiæ, atque ad honorem sedis Apostolice, qui est finis illius indulgentie. Observandum est tertio, non eodem modo judicandum esse de causa indulgentiae, cum datur uni aliqui particulari, et cum datur in commune multis. Nam cum datur uni particulari, oportet ut opus injunctum illi soli, sit proportionatum fini, cuius gratia datur indulgentia: ac cum datur in commune multis, non est necesse, ut

opus singulorum, sed tantum ut opus omnium simul sit proportionatum fini. Atque hinc accidere potest, ut indulgentia maxima sit justissima, etiam si opus injunctum singulis videatur leve. Exempli causa, si necesse sit edificari basilicam, vel xenodochium, et detur indulgentia septem, vel decem annorum, vel etiam plenaria conferentibus certam auri summam: si respiciatur opus singulorum, non videbitur causa justa, sed tamen si tota summa ab omnibus collata consideretur, jam erit justa causa, quia poterit iis sumptibus edificari basilica vel xenodochium, quæ edificatio erit gratia Deo, et utilior Ecclesiæ, quam poenitentialis satisfactio, quæ per indulgentiam relaxatur. Observandum est quarto, supra dictum esse, plerunque in causa justa duo contineri, finem, et media ad finem: quoniam aliquando soli finis satis esse videatur, sine ullis mediis, id est, sine aliquo opere injuncto, quando videlicet finis non pendet ab aliquo opere, et per se sufficit ad indulgentiam justam efficiendam. Sic olim ad petitionem Martyrum (ut supra ex Tertulliano, et Cypriano præbavimus) dabant indulgentias sine aliquo opere injuncto, quia judicabat Ecclesia satis magnam causam esse, petitionum Martyrum, ut videbant homines ad martyrium accenderentur, cum viderent tanti fieri martyrum preces. Vocantur autem in his locis martyres, qui in carcere inclusi, et tam aliquid passim fuerant ob confessionem fidei, et consummationem martyrii expectabant. Quomodo etiam in articulo mortis hominibus bene meritis de Ecclesiæ dantur aliquando indulgentiae, neque opus ullum injungitur, quia videtur causa esse satis justa ipsa necessitas extrema conjuncta cum praecedentibus meritis. Ita legitur Gregorius VII indulgentias sine ullo injuncto opere dedisse, lib. 1. epist. 34. lib. II. epist. 61. et lib. VI. epist. 15. Itaque sine opere injuncto concedi potest aliquando indulgentia, sine causa vero, eaque justa et rationabiliter numquam potest. Observandum est ultimo, justam quidem semper causam requiri, sed non esse subditorum judicare, utrum causa sit justa, vel injusta: debent enim similiciter existimare justam esse. Nihilominus tamen sicut probandum non est, quod aliqui pro zelo, sed nimio fortasse de indulgentia quibusdam, leibus de causis concessis obloquuntur, quod faciunt Joan. Gerson in tract. de Absolutione sacramentali, Dominicus a Soto in 4. dist.

21. quæst. 2. art. 2, conclus. 5. et Andreas Vega in Concilium Tridentinum lib. XII. cap. ultimo. Sic laudandus merito est Clemens VIII Pontifex Maximus, qui nunc sedet, quod decretum Concilii Lateranensis sub Innocentio III de moderandis indiscretis indulgentiis, et decretum Concilii Tridentini sess. 23. de revocandis indulgentiis ad veterem, et probatam Ecclesiæ consuetudinem, executioni mandare studet. Veteres enim parciassim fuisse in indulgentiis conferendis notissimum est. Siquidem Sergius II (ut citavimus cap. 3.) trium tantum annorum indulgentias dedit; et Paschalis II quadragesima solum dierum. Testatur quoque Innocentius III capite, Cum ex eo, de penitent. et remiss. Apostolicam Sedem solitam esse ordinarie non extendere indulgentias ultra condonationem penitentie unius anni, vel quadragesima dierum; et juxta hoc Innocentii dictum, Nicolaus IV in indulgentiis variis, quas concessit Ecclesiæ sancte Praxedis, quæ leguntur in introitu cappelle S. Zenonis, numquam exceedit annum unum, vel dies quadragesima. Denique S. Thomas in 4. dist.

20. quæst. 1. art. 3. quæstiuncula 2. ad 4. scribit, venientibus ad limine Apostolorum ex regionibus ultramarianis dari indulgentias quinque annorum; ex regionibus ultramontanis, trium annorum, ex aliis locis viciniis, trium annorum, ex aliis locis viciniis, unius anni dumtaxat.

Ex his ad argumenta pro priore opinione facile responderi potest. Ad illud, quod propter eamdem causam dentur indulgentiae modo majores, modo minores, responderi potest, id posse accidere duplice de causa: aliquando enim datur indulgentia minor, quam pro magnitudine cause dari possit, et hoc modo datur pro eadem causa modo major, modo minor indulgentia, et numquam supererat indulgentiae magnitudine magnitudinem cause. Potest etiam fieri, ut idem opus bonum sit uno tempore magis proportionatum fini, cuius gratia datur indulgentia, et magis utile, vel necessarium, quam alio tempore, ut vigente magna necessitate eadem elemosyna plus conferat ad subsidium pauperum, quam si ea charitas annoe non vigeret: et imminentे gravissimo periculo eadem oratio cum eodem ieiunio, et elemosyna magis necessaria erit ad placandum Deum, quam si illud periculum non immineret. Ex quo sequitur, ut idem sit opus bonum secundum se, sed ex accidente diversum, et causa revera non sit

eadem, et ideo non sit mirum, si dentur variae indulgentiae pro illo opere, quod uno tempore maiorem causam, alio tempore minorem offert.

Ad aliud, quod pro causa levissima dentur indulgentiae maxime, jam supra responsum est, id fieri, quoniam causa, quæ est in se levissima, si attendatur labor, aut sumptus, aut aliquid ejusmodi, saepe maxima est, si consideretur proportio ad finem, ad quem obtinendum indulgentias proponuntur.

Ad tertium illad de populi deceptione respondemus, ut plurimum nullum esse deceptio[n]is periculum, quoniam non existimamus, indulgentias a Sede Apostolica sine justa causa dari; tamen sicut potest fieri, ut aliquando indulgentia non sortiatur effectum ob defectum ejus, qui illam suscepit, vel ob defectum auctoritatis in eo, qui illam concedit, ita non debet videri absurdum, si aliquando idem accidat ob defectum cause, et christianus populus non ignorat ad fidem perfidere, quod sit in Ecclesia potestas indulgentias concedendi, non autem quod in particulari non possit fieri ut indulgentia vel non sit rata, vel non pro sit, et ideo sic accipiunt prudentes Christiani Pontificias indulgentias, ut simul etiam studeant dignos penitentiae fructus ferre, ac pro suis peccatis Domino satisfacere.

Ad quartum de illo communis pronuntiato, indulgentiae tantum valent, quantum sonant, respondemus, pronuntiatum illud verissimum esse, sed intelligi de indulgentia, cui non desunt necessariae conditiones, auctoritas in concedente, charitas in susceptiente, et justitia, ac pietas in causa. Fuit autem celebris apud veteres scholasticos questio illa, an indulgentiae tantum valent, quantum sonant, vel quantum ab Ecclesia predicanter, propter nonnullos errores, qui tunc vigeant, cum ali dicerent, indulgentias non valeant nisi pro mensura devotionis, alii tandem valentes quantum opus injunctum ex se ad satisfaciendum prodest, alii tantum valere coram Ecclesia, non coram Deo. Qui errores a S. Thoma, aliquis veteribus confutati, extinti jan sunt.

At postremum de thesauro meritorum Christi, et sanctorum, qui dicuntur esse vera causa indulgentiarum, respondemus: thesaurom meritorum Christi, et sanctorum esse veram causam, cur indulgentiae concedi possint: sed præter istam causam requiri aliam, que moveat ad dispensandum the-

saurum hoc tempore potius quam alio, et nunc magis nunc minus liberaliter; non enim debent Pontifices relaxare penitentiam satisfactionem, neque recurrere ad thesauros, nisi quando iudicant id esse necessarium, vel utile ad gloriam Dei, et animarum salutem.

CAPUT XIII.

De dispositione suscipientis indulgentias.

In eo, qui cupit revera fructum ex indulgentiis capere, duo requiri diximus, ut sit in statu gratiae, et ut perficiat quod pro indulgentia fuerit injunctum. Et quidem exigunt statum gratiae docent communiter Theologi in 4. dist. 20. et ratio est apertissima, quoniam indulgentia cum remittat reatum peccati temporalis relictum post remissionem culpe, sine dubio requirit, ut culpa sit iam remissa, ac per hoc translatus sit homo per infusionem gratiae, et charitatis de statu peccati in statum filiorum Dei. Praterea nulla ratio patitur, ut poena remittatur ei, qui adhuc haeret in culpa; vel debitum illi condonetur nomine Dei, qui adhuc est aversus a Deo, et hostis, ac inimicus. Denique nomen ipsum indulgentiae, ut initio diximus, sonat paternam facilitatem in filios, qua non debet esse communis cum servis, maxime fugitivis, quales sunt omnes, qui Deo deserto dialolum sequuntur. Pari ratione exigi, ut opus injunctum perficiatur, convenient inter omnes ut patet ex S. Thoma in 4. dist. 20. quest. 1. art. 5. quæstiuncula 3. et ex aliis. Sed his positis tamquam certis et exploratis multa supersunt questiones. Prima est, an requiratur status gratiae solum eo tempore quo percipitur indulgentia; an etiam cum perfcient opera injuncta, vel etiam cum primum indulgentiae prouintiantur, aut earum litterae recipiuntur. Nam Cajeanus tract. 10. quest. 2. et tract. 15. cap. 9. Petrus de Soto lect. 3. de Indulg. et alii contendunt non requiri statum gratiae, cum indulgentiae publicantur, vel litterae indulgentiarum recipiuntur, nisi forte idem sit tempus publicationis et perceptionis: ut cum in sacello Pontificio dantur indulgentiae omnibus, qui divinis officiis in eo loco interfuerunt, tamen requiri statum gratiae non solum, cum indulgentiae percipiuntur, sed etiam cum percipiuntur opus injunctum. Ratio hujus sententiae est, tum quia in ipsis litteris pon-

tificis, ut plurimum exprimitur, indulgentias concedi iis, qui vere poenitentes ecclesiam visitaverint, aut tale, vel tale opus fecerint; tum etiam quia indulgentia non acquiritur, nisi per opera viva vere meritoria, et satisfactoria, qualia non sunt, nisi ea, quæ sunt in statu gratiae.

Alii tamen gravissimi auctores, ut Petrus Paludanus in 4. distinct. 20. quest. 4. artic. 3. concil. 1. S. Antonius 1. part. tit. 10. cap. 3. §. 5. in fine, et Antonius Cordubensis, quest. 24. de Indulg. et alii contra sentiunt. Non requiri statum gratiae, nisi cum ipsa indulgentia percipienda est. Ratio posterioris hujus sententiae est, quia indulgentia non mititur nostra satisfactione, sed Christi, et ideo non videtur necessarium, ut opus injunctum sit opus vivum, et satisfactorium. Deinde quia Bonifacius VIII in extravaganti, Antiquorum, dicit, se concedere indulgentiam iis, qui visitabunt ecclesias poenitentes, et confessi, vel qui penitentebunt et confitebuntur. Ex his sententiis prior sine dubio tuor est, ut S. Antoninus etiam notavit. Est etiam certa, quando opus injunctum in litteris pontificis expresse jubetur perfici in statu gratiae, ut cum in extravaganti. Unigenitus, de penitent. et remiss. Item in Constitutionibus de inductione jubilai Clementis VII, Juli III et Gregorii XIII expresse habetur, ut qui indulgentiam consequi volunt, vere poenitentes et confessi visitent ecclesias, oreat etc. Denique verior mihi esse videtur, etiamsi in litteris pontificis id non exprimatur, quando opus injunctum tale est, ut non conferat ad finem, nisi fiat in statu gratiae: ut si finis indulgentiae sit placere Deum Christiano populo, et ideo injungantur preces, jejunia, elemosyna, visitations ecclesiarum, et similia. Cum Deus non placetur per opera mortua, necessarium esse videtur, ut opera illa fiant in statu gratiae, aliquo nihil conferant ad finem, et proinde non est intentio concedentis, ut indulgentiam laorentur, qui in statu peccati illa opera faciunt. At posterior opinio vera esse videtur, quando opus injunctum utile est ad finem, pro quo datur indulgentia, etiamsi non fiat in statu gratiae. Ut exempli gratia, si finis indulgentiae sit aedificatio basilicae, vel subventione pauperum, aut recuperatio Hierosolymæ, et propter ista dentur indulgentiae contribuentibus pecunias, vel arma; quia non minus ad finem conducent pecunias illæ, vel arma, si dentur ab

CAPUT XIII.

homine peccatore, quam a justo; probable est, prodes illa opera, etiamsi facta sint in statu peccati, modo is, qui ea fecit sit in statu gratiae, quando reipsa percipit indulgentiam.

Altera questio est, utrum non solum requiratur status gratiae ad indulgentiam obtinendam, sed etiam carentia omnis culpe venialis. Sed facilis responsio est, si distinctione utamur. Nam vel quesito est de tempore, quo perficiuntur opera injuncta, vel de tempore, quo percipitur fructus indulgentie. Si de priore tempore questio sit, rursus alia distinctione opus est, nam vel peccatum veniale vitiat opus bonum injunctum, ut si quis oret, vel jejunum ex vanagloria: vel non vitiat, sed per accidens ei conjugitur, ut si quis dum elemosynam facit, vel ecclesiam visitat, loquatur verbum aliquod otiosum. Quod si bonum opus non vitiet, certum est non impediri fructum indulgentiae, si vero bonum opus vitiet, ita ut ipsum efficiatur veniale peccatum, tum sine dubio impeditur fructus indulgentiae, si opus illud erat faciendum ad placandum Deum, vel satisfaciendum pro peccato: non enim per peccatum veniale placatur Deus, neque satisfit Deo. Et haec est sententia Adriani in 4. tract. de indulg. conclus. 4. et Petri de Soto lect. 3. de indulg. quod si opus faciendum non erat ad placandum Deum, neque ad satisfaciendum, sed solum ad subventionem pauperum, vel alium finem, qui potest obtineri, etiamsi opus non fiat in statu gratiae, tunc non impeditur fructus indulgentiae, quoniam opus peccato veniale fuerit vitium.

At si de posteriore tempore questio sit, respondendum erit, non impediri fructum indulgentiae, si quis eo tempore habeat, vel committat veniale peccatum, nisi quod remissionem peccatae debita propter illum culpan veniale: non enim dimittitur peccata, nisi prius dimissa fuerit culpa. Nulla autem ratio est, cur non possit percipi fructus indulgentiae quoad remissionem peccatae debita propter alias culpas sive lethales, sive veniales jam remissas, etiamsi culpa aliqua venialis adhuc haeret in anima. Nam peccatum veniale non impedit statum gratiae, qui requiritur ad hoc ut homo sit capax indulgentiae.

Tertia questio est de confessione, quæ ut plurimum requiritur, ut pars operis injuncti, an exigatur semper in re, et vero suf-